

于鹄

楊巨源

歐陽詹

鮑溶

于從事詩集卷首

傳略 評說附

于鵠

字里未詳

大歷貞元間詩人也與張籍同時相善隱居漢陽嘗為諸府從事

有卜居漢陽及荆南陪樊尚書賞花詩其自述云三十無

名客空山獨卧秋豈以詩窮者耶

張司業傷于鵠詩云西山無逸人忽覺大國貧良玉沈幽泉名為天下珍野性疎時俗

再命乃從軍氣高終不合去如鏡上塵我初有章句相合者惟君今來弔嗣子對壠燒斯文

全詩載張集

徐獻

忠詩品云鵠習隱多高人之意故其詩能有景象山中訪道諸大篇遂與松檜同幽雲霞混迹不疑世外人也唐宋志通考集一卷今刻詩一卷

于鵠詩集目錄

江南曲

山中寄樊僕射

題宇文哀山寺讀書院

贈蘭若僧

題鄰居

山中自述

山中寄韋鉉

南谿書齋

夜會李太守宅

題柏臺山僧

寄續尊師

題南峯褚道士

贈不食姑

送李明府歸別業

題樹下禪師

宿王尊師隱居

題服柏先生

哭凌霄山光上人

塗中寄楊涉

送韋判官歸綸門

出塞

三首

贈李太守

送張司直入單于

惜花

春山居

遊瀑泉寺

送宮人入道歸山

巴女謠

公子行

長安遊

別齊太守

登古城

哭劉夫子

醉後寄山中友人

溫泉僧房

題美人

尋李暹

尋李逸人舊居

贈碧玉

舟中月明夜聞笛

送遷客

二首

贈王道者

題合溪乾洞

過張老園林

襄陽看花

哭王都護

饒司農宋卿立太尉碑了還江東

送唐大夫讓節歸山

買山吟

古詞

三首

秦越人洞中詠

宿西山修下元齋詠

過凌霄洞天謁張先生祠

蚤上凌霄第六峯入紫谿禮白鶴觀祠

山中訪道者

寄盧僊員外秋衣詞

種樹

哭李暹

古挽歌

三首

悼孩子

別舊山


寄周惲

補遺

野田行

襄陽寒食

塞上曲



于鵠詩集

江南曲

偶向江邊採白蘋還隨女伴賽江神衆中不敢分明語暗擲金錢卜遠人

山中寄樊僕射

却憶東溪日同年事魯儒僧房閑共宿酒肆醉相扶天畔雙旌貴山中病客孤無謀還有計春谷種桑榆

題宇文裒

一作岐

山寺讀書院

讀書林下寺不出動經年草閣連僧院山厨共石泉雲庭無履跡龕壁有燈烟年少今頭白刪詩到幾篇

贈蘭若僧

一身禪誦苦灑掃古花宮靜室門常閉深蘿月不通懸燈喬木上鳴磬亂幡中附入高僧傳長稱二遠公

題鄰居

僻巷鄰家少茅簷喜並居蒸藜常共竈澆蕪亦同渠傳屐朝尋藥分燈夜讀書雖然在城市還得似樵漁

山中自述

三十無名客空山獨卧秋病多知藥性年長信人愁螢影竹窗下松聲茅屋頭近來心更靜不夢世間遊

山中寄韋鉉

嬾成身病日因醉卧多時送客出谿少讀書終卷遲幽窗聞墜葉晴景見遊絲早晚來收藥門前有紫芝

南谿書齋

茅屋往來久山深不置門草生垂井口花落擁籬根入院將鷓鴣鳥尋蘿抱子猿曾逢異人說風景似桃源
夜會李太守宅

郡齋常夜掃不卧獨吟詩把燭迎幽客升堂戴接羅微風吹凍葉餘雪落寒枝明日逢山伴須令隱者知
題柏臺山僧

上方唯一室禪定對山容行道臨孤壁持齋聽遠鐘枯藤離舊樹朽石落高峰不向雲間見還應夢裏逢
寄續尊師

得道任髮白亦逢城市遊新經天上取稀藥洞中收春木帶枯葉新蒲生漫流年年望靈鶴常在此山頭
題南峯褚道士

得道南山久曾教四皓基閉門醫病鶴倒篋養神龜松際風長在泉中草不衰誰知茅屋裏有路向栽畬
贈不食姑

不食非闕藥天生是女仙見人還起拜留伴亦開田無窰尋溪宿兼衣掃葉眠不知何代女猶帶剪刀錢
送李明府歸別業

寄家丹水邊歸去種春田白髮無知已空山又一年鹿裘長酒氣茅屋有茶烟亦擬辭人世何溪有瀑泉
題樹下禪師

久行多不定樹下是禪房寂寂心無住年年日自長蟲蛇同宿礪草木共經霜已見南人說天台有舊房
宿王尊師隱居

夜愛雲林好寒天月裏行青牛眠樹影白犬吠猿聲一磬山院靜千燈谿路明從來此峯客幾箇得長生
題服柏先生

服柏不飛鍊閑眠閉草堂有泉唯盥漱留火為焚香新雨閑門靜孤松滿院涼仍聞枕中術曾授漢淮王
哭凌霄山光上人

身沒碧峰裏門人改葬期買山尋主遠壘塔化人遲鬼火穿空院秋螢入素帷黃昏溪路上聞哭竺乾師
途中寄楊涉

蕭蕭蘆荻晚一逕入荒陂日色雲收處蛙聲雨歇時前村見來久羸馬自行遲聞作王門客應閑白接籬
送韋判官歸薊門

桑乾歸路遠聞說亦愁人有雪常經夏無花空到春下營雲外火收馬月中塵白首從戎客青衫未離身
出塞

葱嶺秋塵起全軍取月支山川引行陣蕃漢列旌旗轉戰疲兵少孤城外救遲邊人逢聖代不見偃戈時
又

微雪軍將出吹笳天未明觀兵登古戍斬將對雙旌分陣瞻山勢潛兵制馬鳴如今青史上已有滅胡名
又

單于騎愛獵放火到軍城乘月調新馬防秋置遠營空山朱戟影寒磧鐵衣聲度水逢胡說沙陰有伏兵

贈李太守

幾年為郡守家似布衣貧沽酒迎幽客無金與近臣
擣茶書院靜講易藥堂春歸闕功成後隨車有野人
送張司直入單于

若過并州北誰人不憶家塞深無伴侶路盡有平沙
磧冷唯逢雁天春不見花莫隨征將意垂老事輕車
惜花

夜來花欲盡始惜兩三枝早起尋稀處閉眠記落時
蕊焦蜂自散蒂折蝶還移攀着殷勤別明年更有期
春山居

獨來多任性惟與白雲期深處花開盡遲眠人不知
水流山暗處風起月明時望見南峯近年年嬾更移
遊瀑泉寺

日斜尋未遍古木寺高低粉壁猶遮嶺朱樓尚隔溪
廚窗通澗鼠殿跡立山雞更有無人處明朝獨向西
送宮人入道歸山

十歲吹簫入漢宮看修水殿種芙蓉自傷白髮辭金屋
許着黃衣向玉峯解語老猿開曉戶學飛鵲鶴落
高松定知別後宮中伴應聽緱山半夜鐘

巴女謠

巴女騎牛唱竹枝藕絲菱葉傍江時不愁日暮還家錯
記得芭蕉出槿籬

公子行

少年初拜大長秋半醉垂鞭見列侯馬上抱雞三市鬪
袖中攜劍五陵遊玉簫金管迎歸院錦袖紅裝擁

上樓更向苑西新買宅月波春水入門流

長安遊

久卧長安春復秋五侯七貴長愁繡簾朱轂逢花住錦幃銀珂觸雨遊何處少年吹玉笛誰家鸚鵡語
紅樓年年只是看他貴不及南山任白頭

別齊太守

花裏南樓春夜寒還如王屋上天壇歸山不道無明月誰共相從到曉看

登古城

獨上開城却下遲秋山慘慘塚纍纍當時還有登城者荒草如今知是誰

哭劉夫子

近問南州客云亡已數春痛心曾受業追服恨無親孀婦歸鄉里書齋屬四鄰不知經亂後奠祭有何人

醉後寄山中友人

昨日山家春酒濃野人相勸久從容獨憶卸冠眠細草不知誰送出深松都忘醉後逢康度不省歸時見
魯恭知已尚嫌身酩酊路人應恐笑龍鍾

溫泉僧房

雲裏前朝寺修行獨幾年山村無施食盥漱亦安禪古塔巢溪鳥深房閉谷泉自言曾入室知處梵王天

題美人

秦女窺人不解羞
攀花趁蝶出牆頭
胸前空帶宜男草
嫁得蕭郎愛遠遊

尋李暹

任性常多出人來
得見稀市樓逢酒
住野寺送僧歸簷下
懸秋葉籬頭曬褐衣
門前南北路誰肯入柴扉

尋李逸人舊居

舊隱松林下
衡泉入兩涯
琴書隨弟子
雞犬在鄰家
茅屋長黃菊
樵籬生白花
幽墳無處訪
恐是入烟霞

贈碧玉

新繡籠裙豈翫花
路人天上返金車
霓裳禁曲無人解
暗問梨園弟子家

舟中月明夜聞笛

浦裏移舟候信風
蘆花漠漠夜江空
更深何處人吹笛
疑是孤吟寒水中

送遷客二首

得罪誰人送來時
不到家白頭無侍子
多病向天涯
蒼莽凌江水
黃昏見塞花
如今賈誼賦不漫說長沙
流人何處去萬里向江州
孤驛瘴烟重行人巴草秋
上帆南去遠送鴈北看愁
遍問四方客無人得白頭

贈王道者

去尋長不出門似絕人行
床下石苔滿屋頭秋草生
學琴寒月短寫易晚窗明
唯到黃昏後溪中聞磬聲

題合溪軋洞

渡水傍山尋絕壁
白雲飛處洞天開
仙人來往行無跡
石逕春風長綠苔

過張老園林

身老無修飾頭巾用白紗開門朝掃逕輦水夜澆花藥氣聞深巷桐陰到數家不愁還酒債腰下有丹砂

襄陽看花

時因小蠻作

自小看花長不足江邊尋得數株紅黃昏人散東風起吹落誰家明月中

哭王都護

老將明王識臨終拜上公告哀鄉路遠助葬成城空素幔朱門裏銘旌秋巷中史官如不謏獨傳說英雄
餞司農宋卿立太尉碑了還江東

追立新碑日憐君苦一身遠移深澗石助立故鄉人草色荒墳綠松陰古殿春平生心已遂歸去得垂綸

送唐大夫讓節

英華有度使二字

歸山

年老成功乞罷兵玉階匍匐進雙旌朱門鴛瓦為仙觀白領狐裘出帝城侍女休梳宮樣髻蕃童新改道家名到時浸髮春泉裏猶夢紅樓簫管聲

買山吟

買得幽山屬漢陽槿籬疏處種枇杷唯有獼猴來往熟弄人拋果滿書堂

古詞

素絲帶金地窗間掬飛塵偷得鳳凰釵門前乞行人

又

新長青絲髮啞啞言語點隨人敲銅鏡街頭救明月

又

東家新長兒與妾同時生並長兩心熟到大相呼名

秦越人洞中詠

扁鵲得仙處傳是西南峯年年山下人長見騎白龍洞門黑無底日夜唯雷風清齋將入時戴星兼抱松石逕陰且寒地響知遠鐘似行山林外聞葉履聲重低礙更俯身漸遠晝夜同時時白蝙蝠飛入茅衣中行久路轉窄靜聞水淙淙但願逢一人自得朝天宮

宿西山修下元齋詠

幽人在何處松檜深冥冥西峯望紫雲知處安期生沐浴溪水暖新衣禮仙名脫屐入靜堂遠像隨禮行碧紗籠寒燈長幡綴金鈴林下聽法人起坐枯葉聲啟奏修律儀天曙山鳥鳴分行布管茅列坐滿中庭持齋候撞鐘玉函散寶經焚香開卷時照耀金室明投簡石洞深稱過上帝靈學道能苦心自古無不成過凌霄洞天謁張先生祠

戰戰亂峯裏一峯獨凌天下看如尖高上有十里泉志人愛幽深一住五十年懸牘到其上乘牛耕藥田衣食不下求乃是雲中仙山僧獨知處相引衝碧烟斷崖畫昏黑槎枲橫隄椽面壁攀石稜養力方敢前累歇日已沒始到茅堂邊見客不問誰禮質無周旋醉卧枕欹樹寒坐展青氍折松掃藜牀秋葉顏色鮮鍊蜜敲石炭洗澡乘瀑泉白犬舐客衣驚走聞腥羶乃知軒冕徒寧比雲壑眠

早上凌霄第六峯入紫雲觀禮白鶴觀祠

路轉第六峯傳是十里程放石試淺深硯壁蛇鳥驚欲下先褰衣路底避枯莖迴途歇嵌窟整帶重冠纓
及到紫石溪晻晻已天明漸近神仙居桂花濕冥冥陰苔無人蹤時得白鶴翎忽然見朱樓象牌題王京
沉沉五雲影香風散紫雲清齋上玉堂窗戶懸水精青童撞金屑杵臼聲丁丁臙腥遙問誰稽首稱姓名
若容在溪口願乞殘雲英

山中訪道者

英華作入白芝
溪尋黃尊師

觸烟入溪口岸岸唯檉櫟其中盡碧流十里不通屐出林山始轉絕徑緣峭壁把藤偕行勢側足憑石脉
戔牙斷行處光滑猿猱跡忽然風景異乃到神仙宅天晴茅屋頭殘雲蒼氣白隔窗梳髮聲久立聞吹笛
抱琴出門來不顧人間客山院不灑掃四時自虛寂落葉埋長松出地纔數尺曾讀上清經知注長生籍
願示不死方何山有瓊液

寄盧僊員外秋衣詞

寄遠空以心心誠亦難知篋中有秋帛裁作遠客衣縫製雖女功尺度手自持容貌常目中長短不復疑
斜縫密且堅遊客多塵縞意欲都無言澣濯耐歲時殷勤託行人傳語慎勿遺別來已年老亦聞鬢成絲
縱然更相逢握手唯是悲所寄莫復棄願見長相思

種樹

一樹新栽益四鄰野夫如到舊山春樹成多是人先老垂白看他攀折人

哭李暹

驅馬街中哭送君，靈車碾雪隔城聞。唯有山僧與樵客，共舁孤櫬入幽墳。

古挽歌

雙轍出郭門，綿綿東西道。送死多於生，幾人得終老。見此切肺肝，不如歸山好。不聞哀哭聲，默默安懷抱。時盡從物化，又免生憂擾。世間壽者稀，盡為悲傷惱。

又

送哭誰家車，靈車紫帶長。青童抱何物，明月與香囊。可惜羅衣色，看舁入水泉。莫愁埏道暗，燒漆得千年。

又

陰風吹黃蒿，挽歌渡秋水。車馬却歸城，孤墳月明裏。

悼孩子

年長始一男，心亦頗自娛。生來歲未周，奄然却歸無。裸送不以衣，瘞埋於中衢。乳母抱出門，所生亦隨呼。嬰孩無哭儀，禮經不可踰。親戚相問時，抑悲空歎吁。襁褓在舊牀，每見立踟躕。靜思益傷情，畏老為獨夫。

別舊山

舊伴同遊盡，却回雲中獨。宿守花開自是去，人身漸老暮。山流水任東來。

寄周惲

家在荒陂長似秋，蓼花片葉水蟲幽。去年相伴尋山客，明月今宵何處遊。